



## STAGES OF PROSECUTOR'S INSPECTION AND THEIR UNIQUE FEATURES

**Avazbek Komilov**

*Head of Department, PhD in Law, Associate Professor  
The Law Enforcement Academy of the Republic of Uzbekistan  
Tashkent, Uzbekistan  
E-mail: [komilov02011985@gmail.com](mailto:komilov02011985@gmail.com)*

### ABOUT ARTICLE

**Key words:** prosecutorial supervision over the execution of laws, prosecutor, prosecutorial inspection, stages of prosecutorial inspection, unique features of stages.

**Received:** 08.02.25

**Accepted:** 10.02.25

**Published:** 12.02.25

**Abstract:** This article describes the stages of prosecutorial inspection and their unique features. According to the author, a number of scholars, who have studied the stages of organizing and conducting prosecutorial inspections have yet to reach a consensus on these stages. Therefore, the views of domestic and foreign scholars, who have studied the stages of prosecutorial inspections were analyzed by classifying them into groups. The author proposes a scientific conclusion that the stage of monitoring the practical implementation of prosecutorial measures (including acts of prosecutorial supervision) applied at the end of the inspection is a separate, concluding stage of organizing and conducting a prosecutorial inspection. Moreover, the article describes the actions that must be taken at each stage of the inspection.

## ПРОКУРОР ТЕКШИРУВИННИНГ БОСҚИЧЛАРИ ВА УЛАРНИНГ ЎЗИГА ХОС ЖИҲАТЛАРИ

**Авазбек Комилов**

*кафедра бошлиги, ю.ф.ф.д. (PhD), доцент  
Ўзбекистон Республикаси Ҳуқуқни муҳофаза қилиши академияси  
Тошкент, Ўзбекистон  
E-mail: [komilov02011985@gmail.com](mailto:komilov02011985@gmail.com)*

### МАҚОЛА ҲАҚИДА

**Калит сўзлар:** қонунлар ижроси юзасидан прокурор назорати, прокурор, прокурор текшируви, прокурор

**Аннотация:** Мазкур мақола прокурор текширувинг босқичлари ва уларнинг ўзига хос жиҳатларини ёритишга бағишиланган. Муаллифнинг қарашларига

текширувининг босқичлари, текширув босқичларининг ўзига хос жиҳатлари.

кўра, прокурор текширувларини ташкил этиш ва ўтказиш босқичларини тадқик қилган қатор олимлар ушбу босқичлар борасида ҳанузгача яқдил тўхтамга келган эмас. Шу сабабли, прокурор текшируви босқичларини ўрганган миллий ва хорижий олимларнинг қарашлари гурухларга таснифланган ҳолда таҳлил қилинган. Муаллиф текширув якунига кўра қўлланилган прокурор таъсир чораларининг (*и.ж. прокурор назорати ҳужжатлари*) амалда ижро этилиши устидан назорат босқичини прокурор текширувларини ташкил этиш ва ўтказишнинг алоҳида, сўнгги босқичи эканлиги ҳақидаги илмий холосани илгари сурган. Шунингдек, ҳар бир текширув босқичида амалга ошириладиган хатти-ҳаракатлар батафсил ёритиб берилган.

## ЭТАПЫ ПРОКУРОРСКОЙ ПРОВЕРКИ И ИХ УНИКАЛЬНЫЕ ОСОБЕННОСТИ

**Авазбек Комилов**

*Начальник кафедры, доктор философии по юридическим наукам (PhD), доцент*

*Правоохранительной академии Республики Узбекистан*

*Ташкент, Узбекистан*

*E-mail: komilov02011985@gmail.com*

### О СТАТЬЕ

**Ключевые слова:** прокурорский надзор за исполнением законов, прокурор, прокурорская проверка, этапы прокурорских проверок, уникальные особенности этапов проверок.

**Аннотация:** В данной статье описываются этапы прокурорской проверки и их уникальные особенности. По мнению автора, ряд учёных, исследовавших этапы организации и проведения прокурорской проверки, до сих пор не пришли к единому мнению относительно этих этапов. Поэтому были проанализированы взгляды отечественных и зарубежных учёных, изучавших стадии прокурорской проверки, путём их классификации по группам. Автором выдвинут научный вывод о том, что стадия контроля за практической реализацией мер прокурорского воздействия (в том числе актов прокурорского надзора), применяемых по окончанию проверки, является отдельной, завершающей стадией организации и проведения прокурорской проверки. Более того, статье детально описываются действия, которые необходимо предпринять на каждом этапе проверки.

Маълумки, прокурор назорати назарияси ва амалиёти, жумладан прокурор текширувларини ташкил этиш ва ўтказиш босқичларини тадқик қилган қатор олимлар ушбу босқичлар борасида ҳалигача ягона тўхтамга келган эмаслар. Ушбу масалада миллий ва хорижий олимларни бир неча гурухларга ажратиш мумкин. Хусусан, *биринчи гуруҳга* прокурор текширувлари 3 босқичда (*текширишига тайёргарлик кўриш, бевосита текшириши ўтказиш ва аниқланган қонун бузилиши ҳолатларига ҳуқуқий баҳо бериши*) ташкил этилиши ва ўтказилиши ҳақида фикр билдирган олимлар (С.Журсимбаев, С.Джамбулатов, К.Разногузов, Г.Иванцова, О.Калугина, Н.Корешникова, О.Коршунова, Н.Мельников, Т.Решетникова, Н.Субанова, С.Баранов ва Е.Просвирин, С.Алексеев ва Н.Вотчель, С.Щерба) кирса, иккинчи гуруҳга текширув якунига кўра қўлланилган прокурор таъсир чораларининг (и.ж. *прокурор назорати ҳужжатлари*) амалда ижро этилиши устидан назорат босқичини прокурор текширувларини ташкил этиш ва ўтказишнинг алоҳида якуний босқичи эканлигини таъкидлаган олимлар (А.Щербаков, И.Иманов, С.Нурпейсов) ташкил этади.

Хусусан, биринчи гурухга мансуб олимлардан Т.Решетникова текшириш ўтказиш босқичларини: 1) тайёргарлик, 2) бевосита текшириш ўтказиш, 3) текшириш натижалари бўйича якуний ҳужжат (маълумотнома) тузиш, уни ҳуқуқий баҳолаш ва реализация қилиш босқичларига ажратади. Шу каби, О.Коршунова ҳам текширув қўйилган мақсад, вазифа ва мазмунга кўра, муайян босқичларга бўлиниши, уларга: текширишга тайёргарлик кўриш, текширув тадбирларини ўтказиш ва қабул қилинган маълумотни баҳолаш ҳамда прокурор таъсир воситаларини танлаш босқичлари киришини қайд этган.

Иккинчи гурухга мансуб олимлардан И.Иманов назорат актининг ўзи унинг ижроси масаласида назорат қилиниши лозимлигини таъкидласа, А.Щербаков қўлланилган прокурор таъсир чораларининг кўриб чиқилиши бўйича жавоб хатларининг мавжудлиги ва ўз вақтида келиб тушганлигини ўрганиш якуний босқичдаги назоратнинг муҳим таркибий элементи эканлиги ҳақида ёзади.

Юқорида қайд этилган олимларнинг фикрларини таҳлил қилган ҳолда, бизнинг қарашларимиз кам сонли иккинчи гуруҳ олимларнинг фикрлари билан ҳамоҳанг тушади. Бизнингча, прокурор назорати назарияси ва амалиётидан келиб чиқсан ҳолда айтиш мумкинки, прокурор текширувлари тўрт босқичда ташкил этилади ва ўтказилади:

1. Режалаштириш ёки текширишга тайёргарлик кўриш босқичи;
2. Асосий – бевосита текшириш ўтказиш босқичи;
3. Текширишда аниқланган қонун бузилиши ҳолатларига ҳуқуқий баҳо бериш босқичи;
4. Якуний – қўлланилган прокурор таъсир чораларининг (и.ж., *прокурор назорати ҳужжатлари*) амалда ижро этилиши устидан назорат босқичи.

## Режалаштириш ёки текширишга тайёргарлик кўриш босқичи

Н.Субанованинг таъкидлашича, текширувнинг сифати прокурор томонидан унга тайёргарлик кўриш жараёнига ажратилган эътиборга боғлиқ бўлиб, тайёргарлик босқичи текширув ўтказиладиган орган фаолиятини тартибга соладиган норматив-хукукий база билан танишишдан бошланади. Тайёргарлик босқичининг муҳимлиги ҳакида фикр билдирган яна бир олим А.Дарбинян эса ушбу босқичга тайёргарликнинг ҳажми ва мазмuni: прокурорнинг иш тажрибаси, унинг малакаси, қонунларни қўллаш ва текшириш режалаштирилган орган томонидан йўл қўйиладиган одатий қонунбузарликлар ҳақидаги билим даражаси, қонунийлик аҳволи ва бошқа омилларга боғлиқ бўлишини таъкидлайди.

Мазкур босқичда қўйидагилар профессионал даражада ва масъулият билан амалга оширилиб, режалаштирилаётган текширишга пухта тайёргарлик кўрилади:

- текшириш обьектини (объектлар доирасини) аниқлаб олиш;
- текширишнинг асоси, мақсади, вазифалари ва муддатини белгилаш;
- текшириш мобайнида ўрганиладиган (текшириладиган) саволлар (масалалар) доирасини, яъни текширув предметини ҳар томонлама, тўлиқ ва тўғри аниқлаб олиш;

Тадқиқотчиларнинг фикрига кўра, текширув предметини аниқлаш текширувга тайёргарликнинг энг дастлабки босқичи саналади. Прокурор текширувининг самарадорлиги тўлиғича унинг предмети тўғри шакллантирилишига боғлиқ бўлади. Бунда прокурор нимани (каерни) текширишни, қандай тартибда текширишни ва кайдаражада текширишни олдиндан белгилаб олади. Текширув предметини нотўғри белгилаш:

- 1) текширув обьектининг нотўғри танланиши;
- 2) текширув мавзусига мос келмайдиган текширув ўтказиш методикасининг танланиши;
- 3) қонун бузилиши ҳолатларини аниқлашнинг нотўғри услублари танланиши;
- 4) аниқланган қонун бузилиши ҳолатларининг характеристига мос келмайдиган прокурор таъсир воситаларининг танланиши каби хатоларга олиб келади.

– текшириш бир гурух тезкор ходимлар томонидан ўтказилиши режалаштирилаётган бўлса, улар ўртасида вазифаларни аниқ тақсимлаш;

– текшириш обьекти ва предметига оид ҳалқаро стандартлар ва хужжатлар, миллий қонунчилик, бошқа норматив-хукукий ҳамда ички идоравий хужжатларни синчковлик билан чукур ўрганиб чиқиш;

– текшириш обьекти ва предмети билан боғлиқ қонунийлик аҳволига доир маълумот, статистик ҳисобот ва ахборотларни тўлиқ йиғиш, уларни ҳар томонлама ўрганиш ва таҳлиш қилиш, муқаддам қўзғатилган жиноят ишлари, фуқаролик, иқтисодий ва маъмурий суд ишлари натижалари, оммавий ахборот воситалари, интернет сайтлари, ижтимоий тармоқларда эълон қилинган хабарлар, жисмоний ва юридик шахслардан келиб тушган

мурожаатларни чуқур таҳлил қилиш (бунда давлат сири, қонун билан қўриқланадиган ва хизматга оид бошқа маълумотларни олии тартибига қатъий риоя қилиши, шунингдек, уларнинг сир сақланишини таъминлаши юзасидан барча чораларни кўриши, улардан ноқонуний равишда фойдаланмаслик шарт);

– текшириш обьектида йўл қўйилаётган тизимли қонун бузилиши ҳолатлари ва муаммоларни аниқлаш мақсадида муқаддам прокуратура ва назорат қилувчи органлар томонидан ўтказилган текшириш, тафтиш ва инвентаризация хужжатларини эътибор билан ўрганиш, уларнинг натижаси бўйича кўрилган чора-тадбирлар ижросини таҳлил қилиш;

– юқори турувчи прокурордан юборилган соҳага оид буйруқ, топшириқ, кўрсатма, йўналтирувчи хат, танбех ва бошқа шу каби хужжатларни, текшириш ўтказиш тактикаси ва методикасига бағишлиланган услугубий қўлланма, тавсия ва бошқа манбаларни ўрганиб чиқиш;

– режалаштирилаётган текширув тактикаси ва методикасини белгилаб олиш;

– текширув жараёнида текширув обьекти, унинг масъул ва мансабдор шахсларига оид қимматли маълумотлар тақдим этиши мумкин бўлган ахборот манбаларини аниқлаш (бунда тизимдан у ёки бу сабаб билан ишдан бўшатилган шахслардан маълумот олиши жуда фойдали саналади);

– текшириш обьекти, унинг мансабдор ва масъул шахслари, унда содир этилаётган коррупция ҳолатлари ва бошқа шу каби тезкор маълумотларни (*агар мавжуд бўлса*) Ўзбекистон Республикаси Бош прокуратураси ҳузуридаги Иқтисодий жиноятларга қарши курашиш департаменти ва бошқа хуқуқни муҳофаза қилувчи органлардан олиб ўрганиш;

– текширишга мутахассис/эксперт жалб қилиш/қилмаслик масаласини ҳал этиш, улар олдига қўйиладиган саволлар (масалалар) доирасини ҳар томонлама, тўлиқ ва тўғри белгилаш (*агар мутахассис жалб этилиши лозим деган қарорга келинса, мутахассис ажратилиши тўғрисидаги хатда айнан қандай соҳадаги мутахассис зарурлиги кўрсатиб ўтилиши мақсадга мувофиқ*);

– текшириш дастурини имловий ва стилистик қоидаларга тўла риоя этган ҳолда, ҳар томонлама ва сифатли тузиш ҳамда уни ваколатли прокурор ёки прокурор ўринбосарига санаси кўрсатилган ҳолда тасдиқлатиши;

Текшириш дастурини тузиш режалаштириш ёки текширишга тайёргарлик кўриш босқичининг якуний қисми ҳисобланиб, унда қуидагилар ўз аксини топади:

- 1) текшириладиган обьект номланиши;
- 2) текшириш асоси ва текшириш муддати;
- 3) текшириладиган қонунчилик ва норматив-хуқуқий хужжатлар;

4) ўрганиладиган саволлар ва аниқлаштирилиши лозим бўлган масалалар (*текшириши жараёнида саволлар доираси ўзгартирилиши ёки кенгайтирилиши мумкин*)

5) текширув гурухи аъзолари ўртасида вазифаларнинг тақсимланиши (*текширув бир гуруҳ тезкор ходимлар томонидан ўтказилиши режалаштирилган тақдирда*);

6) текширув ҳаракатларини ўтказиш кетма-кетлиги;

7) текширувга жалб этилиши мумкин бўлган мутахассислар ва бошқалар;

– юқори турувчи прокурор ёки унинг соҳавий ўринbosари ҳузурида текширув гурухи аъзолари иштирокида тезкор йигилиш ўтказиб, текширувни бегиланган тартибда ташкил этиш ва ўтказиш билан боғлиқ масалаларни муҳокама қилиш (*зарурат мавжуд бўлса*);

– текширишга тайёргарлик кўриш босқичида текшириш обьекти, унинг мансабдор ва масъул шахслари билан дастлабки тарзда бевосита (*юзма-юз*) ёки телефон орқали суҳбатлашиб, уларга ўтказилиши режалаштирилаётган текширишнинг мақсади ва вазифаларини тўғри тушунтириш, текшириш мобайнида зарур бўладиган маълумот ва хужжатларни монеликсиз тақдим этиш ҳақида хушмуомалалик билан, айни пайтда, расмий оҳангда кўрсатма бериш, шу жумладан, текшириш жараёнида текшириш обьектининг вакили сифатида иштирок этувчи масъул ходим бириктириш ҳақида олдиндан келишиб олиш.

### **Асосий – бевосита текшириш ўтказиш босқичи**

Мазкур босқичнинг асосий хусусияти – текширув обьекти томонидан соҳага доир қонунчилик ижроси ахволи ва фаолиятнинг қонуний асосда амалга оширилаётганлигига хукукий баҳо беришдан иборат. Яъни, ушбу босқичда текширув обьектининг фаолияти текшириш дастурида белгиланган масалалар (саволлар) ёрдамида ўрганилиши лозим.

Маълумки, Ўзбекистон Республикаси “Прокуратура тўғрисида”ги Қонунининг 21-моддасига кўра, қонунлар ижросини текшириш қонунларнинг бузилаётганлиги тўғрисидаги аризалар ва бошқа маълумотлар асосида, шунингдек қонунийлик прокурор томонидан чоралар кўрилишини талаб қиласиган ҳолатда эканлигидан келиб чиқсан ҳолда қонунда белгиланган тартибда ўтказилади. Текшириш ўтказиш мобайнида прокурор ваколатларидан самарали фойдаланиш лозим бўлиб, қонуннинг 22-моддасига асосан, прокурор қонунларнинг ижро этилиши устидан назоратни амалга ошириш жараёнида ўз ваколатлари доирасида:

– вазирликлар, идораларнинг, корхоналар, муассасалар, ташкилотларнинг, ҳарбий қисмларнинг худуди ва хоналарига монеликсиз киришга, хужжатлар ва материалларни кўришга, текширишлар ўтказишга, текшириш учун қарорлар, фармойишлар, буйруқлар ва бошқа хужжатларни, қонунийликнинг ҳолати тўғрисидаги ва уни таъминлашга доир чоратадбирлар ҳақидаги маълумотларни талаб қилишга;

– давлат органлари, ҳарбий қисмлар, вазирликлар ва идораларнинг ҳарбий тузилмалари раҳбарлари ва бошқа мансабдор шахсларидан улар тасарруфидаги корхоналар, муассасалар, ташкилотлар фаолиятини текшириш, тафтиш ўтказишни, идоравий ва ноидоравий текширишлар ўтказиш учун мутахассислар ажратишни талаб қилишга;

– мансабдор шахслар ва фуқаролардан конун бузилиши хусусида оғзаки ёки ёзма тушунтиришлар талаб қилишга ҳақлидир.

Конун бузилиши аниқланган тақдирда прокурор ушбу Конунда ҳамда бошқа конунчилик ҳужжатларида назарда тутилган чораларни кўришга мажбур.

Асосий босқич қуидаги жараёнларни ўз ичига олади:

– текширишни бевосита бошлашдан аввал текшириш обьектида раҳбар, масъул ходимлар ва меҳнат жамоаси иштирокида қисқа муддатли йиғилиш ўтказиб, унда ўтказиладиган текширишнинг мақсади ва вазифаларини тўғри тушунтириш, текширишга жалб этилган мутахассис/экспертлар билан таништириш, ишлаш учун текширув гурухи аъзоларига зарур шароит (*алоҳида хона, компьютер, принтер, алоқа воситалари ва ҳ.к.*) яратиш, текшириш мобайнида зарур бўладиган маълумот ва ҳужжатларни текширув гурухига монеликсиз тақдим этиш ҳақида хушмуомалалик билан, айни пайтда, расмий оҳангда кўрсатма бериш, шу жумладан, текширишда текшириш обьектининг вакили сифатида иштирок этувчи масъул ходимларни бириктирилишини таъминлаш;

– текшириш обьектининг ўзида текширув учун зарур ва ўрганилиши лозим бўлган учун қарорлар, фармойишлар, буйруқлар ва бошқа ҳужжатларни, қонунийликнинг ҳолати тўғрисидаги ва уни таъминлашга доир чора-тадбирлар ҳақидаги маълумотларни талаб қилиш;

– текшириш обьектида текширув билан боғлиқ ҳужжат ва нарсаларни кўздан кечириш, хукуқий ва бошқа ҳужжатларни, қонунийликнинг ҳолати ва уни таъминлашга доир чора-тадбирлар ҳақидаги маълумотларни жойида ўрганиш;

– текширув жараёнида зарурат туфайли прокуратура ходими ёки мутахассис/экспертлар томонидан олинадиган давлат сири, тижорат сири, қонун билан кўриқланадиган ва текширув обьектига оид бошқа маълумотларнинг сир сақланишини таъминлаш;

– текшириш дастурида белгиланган саволларни (масалалар) бевосита ўрганиш зарурати юзага келган тақдирда, текширув тадбирларини профессионал даражада, масъулият ва холислик билан олиб бориш (*бунда, расмиятчилик, соҳтакорлик ва суиистеъмолчиликка йўл қўймаслик*);

– зарурат туғилганида, ваколатли давлат органлари ва муассасаларига хатлар юбориш, тафтиш ва экспертиза тайинлаш;

– текширишга жалб этилган мутахассис/экспертлар фаолиятини кундалик назорат қилиб бориш, улардан текширишда аниқланыётган ҳолатлар ҳақида вақти-вақти билан ахборот олиш (мутахассис/экспертларга нисбатан хушмуомала бўлиши, уларнинг шаъни ва қадр-қимматини камситувчи муомала ёки хақорат қилиши ҳолатларига қатъий йўл қўймаслик, текшириши ҳаракатларига норасмий жамоатчи ёрдамчилар ва бошқа бегона шахсларни белгиланган тартибга зид равишида жалб қўймаслик шарт);

– текширишда суиистеъмолчиликка йўл қўймаслик ва текшириш объектининг фаолиятга холисона баҳо бериш, хўжалик фаолиятига ва бошқа фаолиятга аралашмаслик чора-тадбирларини кўриш;

– текшириш мобайнида қонунийлик аҳволини таҳлил қилиш, тизимли муаммо ва камчиликлар, шунингдек хуқуқий нормаларнинг ўзбошимчалик билан, субъектив тарзда, танлов асосида талқин қилиниши ҳамда коррупцияни келтириб чиқарувчи омилларни аниқлаш ҳамда бунга имкон берган сабаб ва шарт-шароитларни бартараф этиш чораларини куриш;

– текшириш мобайнида текширув объекти томонидан қонунчилик ижроси аҳволи, амалга оширилаётган фаолиятнинг қонунийлигига баҳо бериш, тизимли қонун бузилиши ҳолатлари аниқланган тақдирда, бунинг сабаблари, уни келтириб чиқарган шарт-шароитлар, қонун бузилишига йўл қўйган мансабдор ва масъул шахслар доирасини аниқлаш;

– текшириш ўтказиш мобайнида муайян бир ҳолатга ёки қонунбузилиши фактига аниқлик киритиш учун мансабдор шахслар ва фуқаролардан оғзаки ёки ёзма тушунтиришлар олиш;

– текшириш мобайнида текширув билан боғлиқ муайян масалада учрашиш мақсадида келган фуқаро, меҳнат жамоаси вакили ёки бошқа шахсларни хушмуомалалик билан кутиб олиш, улар томонидан билдирилаётган мурожаатнинг мазмун-моҳиятини тўлиқ англаб олиш ҳамда текшириш жараёнида ундан зарур ҳолатларда усталик билан фойдаланиш;

– текшириш ўтказиш жараёнида бошқа тезкор ходимлар, мутахассис/экспертлар ва текширувга алоқадор бошқа шахслар томонидан жиноят ёхуд бошқа хуқуқбузарлик ёки прокуратура ходими ёки ушбу шахсларни жиноят ёхуд бошқа хуқуқбузарлик содир этишга ундовчи ҳаракатлар содир этилганлиги ҳақидаги маълумотларни зудлик билан юқори турувчи раҳбарга ёки шахсий хавфсизликни таъминлаш тармоғига маълум қилиш;

– текшириш жараёнида хизмат мажбуриятларини бажариш чоғида манфаатлар тўқнашуви юзага келган тақдирда юқори турувчи раҳбарни дарҳол хабардор қилиш;

– мутахассис/экспертлар томонидан ўтказилган текшириш якунлари, шу жумладан, улар томонидан расмийлаштирилган мутахассис/эксперт маълумотномалари (*далолатномалар*) мазмуни билан мутахассис/экспертлар иштирокида текширилган объектнинг мансабдор ёки

моддий жавобгар шахсларига таништирилишини таъминлаш (бунда аниқланган ҳолатлар ва ўйл қўйилган қонунбузарликлар ҳақида холисона маълумот бериш, маълумотнома (далолатнома) билан танишиб чиқши учун етарлича вақт ажратиш, текширилган обьектнинг мансабдор ёки моддий жавобгар шахслари томонидан берилган саволлар ва билдирилган эътиrozларга (тушуунмовчилик) мутахассис/экспертлар томонидан аниқ ва тўғри жавоб берилишини таъминлаш).

Шуни алоҳида таъкидлаш керакки, текширув ўтказиш мобайнида Ўзбекистон Республикасининг “Прокуратура тўғрисида”ги Қонуни ва бошқа қонун ҳужжатлари билан прокурорга берилган ваколатлардан тўғри ва самарали фойдаланиш, улардан шахсий ёки ғараз мақсадларда, шунингдек, бошқа бирорларнинг ноқонуний манфаатлари учун фойдаланмаслик шарт.

### **Текширишда аниқланган қонун бузилиши ҳолатларига ҳуқуқий баҳо бериш босқичи**

Мазкур босқичда ўтказилган прокурор текширувига масъул бўлган ёки текширувни бевосита ўтказган прокуратура органининг тезкор ходими томонидан ўтказилган текшириш якунлари ва унда аниқланган ҳолатларга қонуний баҳо берилади, текшириш жараёнда аниқланган қонун бузилиши ҳолатлари юзасидан қандай прокурор таъсир чораларини (*ш.ж., прокурор назорати ҳужжатлари*) қўллаш зарурлиги тўғрисида хulosага келинади, мазкур ҳужжатларнинг лойиҳалари тайёрланади ва ваколатли прокурор томонидан имзоланиб, ижрога қаратилади. Бунда прокурор таъсир чораларига (*ш.ж., прокурор назорати ҳужжатлари*) ҳуқуқбузарликларнинг олдини олиш ва профилактика қилиш, шунингдек, қонун бузилиши, унинг келиб чиқиш сабабларини бартараф қилиш воситаси сифатида қаралмоғи лозим. Тадқиқотчиларнинг фикрича, мазкур босқичда текширув обьектида аниқланган фактик ҳолатлар билан амалдаги ҳуқуқий нормалар (ҳуқуқий режим) ўзаро солиштирилади, бу жараён “малакалаш – хулоса” деб номланиб, айнан у келгусида прокурор таъсир чораларининг қўлланишига асос бўлади.

Мазкур босқичда қуйидагилар хатти-ҳаракатлари амалга оширилади:

– ўтказилган текшириш натижалари бўйича мутахассис ва экспертлар томонидан тузилган маълумотнома (далолатнома) билан танишиб чиқиш, бу жараёнда текшириш ўтказган мутахассислардан синчковлик ва ҳушёрлик билан аниқланган қонун бузилиши ҳолатларига ойдинлик киритиш;

– текшириш якунлари юзасидан прокуратура ходими томонидан умумлаштирилган (таҳлилий) маълумотнома тузиш (бунда, текшириши натижалари бўйича ҳажми 15 варақдан кўп бўлмаган, умумлаштирилган таҳлилий маълумотнома тузилиб, текширишига масъул бўлган прокуратура ходими, жалб қилинган тегишили мутахассислар, текширилган обьектнинг

мансадбор ёки моддий жавобгар шахслари томонидан имзоланаиди. Маълумотномага илова қилинаётган бошқа ҳужжатлар уларни тузган, шунингдек, текширилган объектнинг мансабдор ёки моддий жавобгар шахслари томонидан имзоланиши лозим);

– текшириш якунлари юзасидан тузилган умумлаштирилган (тахлилий) маълумотномани текшириш ўтказилган объектнинг мансабдор ёки моддий жавобгар шахсларига таништириш, бунда уларга текширища аниқланган ҳолатлар ва йўл қўйилган қонунбузарликлар ҳақида холисона маълумот бериш, маълумотнома билан танишиб чиқиш учун етарлича вақт ажратиш, улар томонидан берилган саволлар ва билдирилган эътиrozларга (тушунмовчилик) аник ва тўғри жавоб берилишини таъминлаш;

– муайян бир ҳолатга ёки қонунбузилиши фактига аниқлик киритиш мақсадида ёзма ёки оғзаки тушунтиришлар олиш;

– текширув якунлари тўғрисида билдириги орқали назорат қилувчи прокурор ёки унинг соҳавий ўринбосарига маълум қилиш;

– аниқланган қонун бузилиши ҳолатлари юзасидан прокурор назорати ёки процессуал ҳужжатлар лойиҳаларини тайёрлаш ва уни юқори турувчи прокурор ёки унинг соҳавий ўринбосари билан келишиш;

– тайёрланган ҳар бир прокурор назорати ёки процессуал ҳужжатларни хусусиятига кўра тўғри номлаш, прокуратура органларида иш юритиш тартибига амал қилган ҳолда сана қўйилиб, рўйхатга олинишини таъминлаш;

– прокурор ёки унинг соҳавий ўринбосари томонидан имзолангандан прокурор назорати ёки процессуал ҳужжатларни прокуратура органларида иш юритиш тартибига амал қилган ҳолда уни кўриб чиқишга ваколатли органга (*ш.ж. текширув ўтказилган обьект*) юборилишини таъминлаш;

– текширища аниқланган ҳолатларни (*текшириши натижаларини*) меҳнат жамоасида ошкора кўриш ва натижасини оммавий ахборот воситалари ва ижтимоий тармоқларда ёритиш, бу жараёнда аҳолига холис, тўлиқ ва ҳаққоний маълумот тақдим этиш (*ушибу масалага устувор аҳамият берилиши зарур*);

– текширув натижаларидан келиб чиқсан ҳолда, текширув қамраб олинган соҳаларда қонунчилик, ҳукуқни қўллаш амалиёти ва прокуратура органлари фаолиятини такомиллаштириш, бўшлиқларни бартараф этиш юзасидан асослантирилган таклифлар ишлаб чиқиш ва юқори турувчи прокуратура органига тақдим этиш.

Шуни унутмаслик лозимки, мавзур босқичда қўлланилаётган прокурор таъсир чораларининг (*ш.ж., прокурор назорати ҳужжатлари*) сифатли, асосли ва қонуний бўлишига алоҳида эътибор қаратиш зарур бўлиб, бу борада масъулият прокурор назорати

хужжатини имзолаган раҳбар, яъни прокурор ёки унинг соҳавий ўринбосари зиммасига юқлатилади.

### **Якуний – қўлланилган прокурор таъсир чораларининг (ш.ж., прокурор назорати хужжатлари) амалда ижро этилиши устидан назорат босқичи**

Прокурор назорати хужжатининг самарадорлигини ошириш учун таъсир хужжатини олган орган ёки мансабдор шахс томонидан унинг аниқ бажарилишининг аҳамияти ниҳоятда муҳимдир. Шунинг учун ҳам прокурорлар қайд қилинган орган ёки мансабдор шахс томонидан қонунда белгиланган талабларга риоя қилиниши устидан назорат олиб боришлари лозим. Бироқ, юқорида қайд этилганидек, аксарият олимлар ушбу босқични прокурор текширувларини ташкил этиш ва ўтказишнинг алоҳида босқичи сифатида қабул қилмайди.

Масалан, Г.Иванцова аниқланган қонун бузилиши ҳолатларини бартараф этиш бўйича кўрилган чоралар ижроси устидан назорат ўрнатишни прокурор текширувининг тўртинчи босқичи сифатида ажратиб бўлмаслигини, бу ваколатни прокурор ташаббускорлик асосида, муайян бир важсиз ҳам амалга ошириши мумкин, деб ҳисоблади. С.Алексеев ва Н.Вотчел текширув, одатда, текширув натижаларини текширилган орган ва унинг таркибий тармоқлари раҳбарлари билан муҳокама қилиш билан якунланади. Бунда асосий эътибор аниқланган қонун бузилиши ҳолатларининг сабаблари, уларни бартараф этиш ва келгусида йўл қўймаслик йўлларини топишга қаратилган бўлиши зарур деса, К.Разногузов текширувнинг якуний босқичи бу – текширувда тўпланган материалларни реализация қилиш босқичида текширув маълумотномасининг тузилиши, унда олиб борилган текширув тадбирларининг натижалари, аҳамиятга молик маълумотлар, қонун бузилиши ҳолатининг мавжуд-мавжуд эмаслиги, қонунбузилиши, унинг келиб чиқиши сабаблари ва бунга имконият яратган шарт-шароитларни баратараф этиш мақсадида қайси прокурор таъсир хужжатларини қўллашга зарурат мавжудлиги ҳақидаги хulosаси акс эттирилишини қайд этади. Шу каби, В.Ломовский прокурор текшируви бузилган қонунийликни тиклаш ёки унинг бузилишидан огоҳлантириш ёхуд унинг бузилмаганлигини аниқлаш ҳақида қарор қабул қилиш билан якунланади, деган фикрни илгари суради.

Бизнингча, ушбу олимларнинг фикри нисбатан мунозарали бўлиб, текширув босқичлари доираси торайтириб кўрсатилади. Ваҳоланки, амалда прокурор назорати текширув якунланиши билан эмас, балки айнан қўлланилган прокурор таъсир чоралари ўз вақтида, сифатли, тўлиқ ва тўғри ижро этилганида ҳамда аниқланган қонун бузилиши ҳолатлари ҳақиқатда бартараф этилганида якунланади.

Фикримизнинг тасдиғи сифатида А.Щербаковнинг қуйидаги мазмундаги фикрини келтириш мумкин бўлади. Хусусан, А.Щербаков назорат текширувларини бевосита

ўтказган прокурор ёрдамчилари қўлланилган прокурор таъсир чораларининг кўриб чиқилиши устидан назорат қилишлари ва текширув материалларини прокурор хужжатларини кўриб чиқиш натижалари келиб тушгунига қадар ўзларида сақлаб туришлари лозимлиги, жавоб хатларининг мавжудлиги ва ўз вақтида келиб тушганлити ушбу босқичдаги назоратнинг муҳим таркибий қисми хисобланиши, берилган жавобларга прокурор томонидан баҳо берилганидан сўнггина, текширув материаллари сақлаш учун девонхонага топширилиши зарурлигини таъкидлайди.

Шу ўринда алоҳида таъкидлаш жоизки, прокурор назорати амалиётида қуий прокуратура органлари томонидан ушбу босқичга етарлича эътибор қаратилмаяпти, унинг аҳамияти ва зарурияти лозим даражада тушуниб етилмаяпти.

Хусусан, Қашқадарё, Наманган, Андижон вилоятлари, Тошкент шаҳри ва Қорақалпоғистон Республикасида вояга етмаганларнинг ижтимоий ҳимояси тўғрисидаги қонунчилик ижроси юзасидан келтирилган прокурор протестларини мутасадди идоралар томонидан кўриб чиқиш якуnlари бўйича қабул қилинган тегишли буйруқ ёки бошқа хукуқий хужжатлар талаబ қилиб олинмаган.

Ваҳоланки, фикримизча, текшируv ўтказилган обьектлар фаолиятининг келгусида қонуний асосларда йўлга қўйилиши, ўтказилган текширишларнинг самарадорлиги ҳамда қўлланилган прокурор назорати хужжатларининг таъсирчанлиги айнан мазкур босқичга узвий ва бевосита боғлиқдир. Қўлланилган прокурор назорати хужжатлари ижроси, уларни кўриб чиқиш якунига кўра, қабул қилинган қарорлар, чора-тадбирлар режаси (дастур) прокурор томонидан назоратга олинмас экан, прокурор назоратидан кўзланган умумий мақсадга эришиб бўлмайди.

Аслида эса назорат прокурор таъсир чораларида (*ш.ж., прокурор назорати ҳужжатлари*) кўрсатилган қонун бузилиши ҳолатлари, уларнинг сабаблари ва бунга имконият яратган шарт-шароитларнинг амалда (ҳақиқатда) бартараф этилиши ҳамда бажарилишини назорат қилиш билан якуnlаниши керак. Яъни, идеал ҳолатда, мисол учун, прокуратура органлари томонидан Соғлиқни сақлаш вазирлиги тизимидағи психиатрия ёрдами кўрсатувчи муассасаларда «Фуқаролар соғлиғини сақлаш тўғрисида»ги Қонун ижроси текширилиб, натижасига кўра, давлат органи раҳбари номига қонун бузилиши, унинг келиб чиқиш сабаблари ва бунга имконият яратиб бераётган шарт-шароитларни бартараф этиш тўғрисида тақдимнома киритилади. Тақдимномани кўриб чиқиш натижаси бўйича давлат органи томонидан тақдимномада қайд этилган қонун бузилиши ҳолатларини бартараф этиш юзасидан чора-тадбирлар режаси (дастур) тузилади. Маълумки, ушбу талааб “Прокуратура тўғрисида”ги Қонундан келиб чиқади. Хусусан, Қонуннинг 40-моддасига

кўра, прокурор тақдимномаси дарҳол кўриб чиқилиши ва кўрилган чора-тадбирлар тўғрисида бир ойлик муддат ичидага прокурорга ёзма равишда маълум қилиниши лозим.

Бу ҳолатда чора-тадбирлар режасини (дастур) тақдимнома ижроси билан боғлиқ ахборотга қўшиб текшириш материалига тикиш билан чекланилмасдан, унда белгиланган вазифалар (бандлар) бажарилиши устидан доимий назорат ўрнатиш ва бу мақсадда давлат органига амалга оширилган ишлар тўғрисида прокуратура органига белгиланган муддатларда (*прокурор томонидан белгиланади*) ахборот тақдим этиб бориш вазифаси юклатилиши зарур. Режа (дастур)да белгиланган барча бандлар амалда (ҳақиқатда) ижро этилганидан сўнг (*доимий характерга эга бўлган бандлар бундан мустасно*), тезкор ходим юкори турувчи раҳбарга (*прокурор ёки унинг ўринбосари*) бу ҳақда ахборот бериб, билдирги орқали назоратдан чиқариши лозим бўлади. Табиийки, назоратнинг бу тарзда ташкил этилиши прокурор таъсир чораларининг (*и.ж., прокурор назорати ҳужжатлари*) тўлиқ ва амалда бажарилишига, прокурор назоратининг самарадорлиги ва таъсирчанлигининг ошишига олиб келади.

Худди шу каби, келтирилган прокурор протестлари бўйича уларнинг ваколатли органлар томонидан кўриб чиқилиши натижалари тўғрисида қабул қилинган буйруқ (*буйруқ нусхаси*)лар (*агар протест маъмурий қарорга нисбатан келтирилган бўлса, қарор нусхаси*), прокурор қарори ва аризаси бўйича уларни кўриб чиқиш натижаларига оид ҳужжатлар, қарорлар ҳамда унга илова ҳужжатлар талаб қилиб олиниши шарт ҳамда зарур.

Энг асосийси, қўлланилган прокурор таъсир чораларининг (*и.ж., прокурор назорати ҳужжатлари*) ижроси бўйича текширув обьектлари томонидан берилган жавоб хатлари ва унга илова ҳужжатларнинг (*буйруқ, қарор ва ҳ.к.*) юридик жиҳатдан тўғри расмийлаштирилишига эътиборлилик ва синчковлик билан жиддий эътибор бериш керак бўлади.

### **ФОЙДАЛАНИЛГАН АДАБИЁТЛАР РЎЙХАТИ**

1. Решетникова Т.А. Правовой статус, функции и полномочия прокуратуры в странах СНГ (сравнительно-правовое исследование): Дисс. ... канд. юрид. наук. – М.: Научно-исследовательский институт проблем укрепления законности и правопорядка при Генеральной прокуратуре Российской Федерации, 2005. – С. 145.
2. Прокурорская проверка. Методика и тактика проведения: учебное пособие / коллектив авторов; под ред. О.Н.Коршуновой. – 2-е изд., перераб. и доп. – Москва: ЮСТИЦИЯ, 2019. – С. 16.
3. Иманов И.А. Система и эффективность актов прокурорского надзора в противодействии коррупции в Республике Казахстан // «Юридическая наука и правоохранительная практика», 4 (34) 2015. – С. 197.

4. Щербаков А.М. Прокурорский надзор в Российской Федерации: Учебное пособие / – Красноярск: РУМЦ ЮО, 2005. – С. 47.
5. Субанова Н.В. Прокурорский надзор за исполнением законодательства в сфере лицензирования [Текст]: вопросы теории и практики / Н. В. Субанова. – Москва: Юриспруденция, 2011. – 201, [1] с.
6. Дарбинян А.А. Прокурорский надзор за законностью правовых актов, издаваемых Министерством природных ресурсов и экологии Российской Федерации и подведомственными ему федеральными органами: Дисс. ... канд. юрид. наук. – М.: Автономная некоммерческая организация высшего профессионального образования “Московский гуманитарный университет”, 2013. – С. 105-106.
7. Неганова Е.Н. Предметный принцип организации прокурорской проверки с учетом новелл законодательства о прокуратуре // «Современное право», № 7, 2017. – С. 23.
8. Теоретические и организационные основы прокурорской проверки: монография / [Н.Д.Бут и др.] под общ. ред. Н.В.Субановой; Акад. Ген.прокуратуры Рос. Федерации. – М., 2016. – С. 102.
9. Ўзбекистон Республикасининг “Прокуратура тўғрисида”ги Қонуни / Қонунчилик маълумотлари миллий базаси, 29.11.2023 й., 03/23/880/0905-сон.
10. Алексеев С.Л., Вотчель Н.Р. Прокурорский надзор: Учебное пособие / под ред. д.ю.н., профессора Ф.Н.Багаутдинова. – Казань: Информационно-технологический центр АСО, 2014. – С. 45-46.
11. Баранов С.А, Просвирин Е.В. О некоторых вопросах тактического обеспечения прокурорской проверки в Российской Федерации // «Проблемы правоохранительной деятельности», №1 / 2011. – С. 49.
12. Ўзбекистон Республикаси Бош прокурорининг 05.12.2017 йилдаги “Ишларни ташкиллаштириш, ижро интизомини янада мустаҳкамлаш ва таҳлилий фаолият самарадорлигини ошириш тўғрисидаги” 172-сон буйруғи // Электрон манба: <https://buuyiq.prokuratura.uz/regulations/doc> (мурожаат вакти: 28.02.2024).
13. Иванцова Г.А., Магомедова З.Т. Этапы проведения прокурорской проверки // Научно-образовательный журнал для студентов и преподавателей «StudNet», № 11/2020. – 6 с.
14. Алексеев С.Л., Вотчель Н.Р. Прокурорский надзор: Учебное пособие / под ред. д.ю.н., профессора Ф.Н.Багаутдинова. – Казань: Информационно-технологический центр АСО, 2014. – С. 46.

15. Разногузов К.Г. Методика прокурорской проверки исполнения законов о защите прав предпринимателей в сфере антимонопольного регулирования // «Закон и право», 08-2014. – С. 113.
16. Ломовский В.Д. Прокурорская проверка: учебное пособие. – Тверь: Твер. гос. университет, 1993. – С. 6.
17. Щербаков А.М. Прокурорский надзор в Российской Федерации: Учебное пособие / – Красноярск: РУМЦ ЮО, 2005. – С. 47.
18. Ўзбекистон Республикаси Бош прокуратурасининг 05.08.2022 йилдаги Қорақалпоғистон Республикаси, вилоятлар ва Тошкент шаҳар прокурорларига юборган 30 / 91-22-07/86-сон Йўналтирувчи хати.